

# 野史

二十三

織田信益	織田信行	織田信次	織田信安	織田信友	織田信光
織田信治	織田信廣	織田信清	織田信友	津田信光	織田信光
		織田信包	織田信友	津田信光	織田信光

第六十五卷 足利公族列傳  
 足利直冬 足利氏滿  
 第六十六卷 足利公族列傳  
 足利滿詮 足利義嗣 足利義照  
 足利政知 足利義視 足利義維  
 足利義冬  
 第六十七卷 織田公族列傳

和書門

一〇〇冊


一〇三五六

一〇三四

九

內閣文庫	
番號	和 10356
冊數	100(23)
函號	269 35

庫	文	閣	內
天九函架	一〇〇冊	一〇三五六號	和書類





共百  
和三十百九十二號

野史卷六十五

足利公族列傳第



飯田忠彦  
修  
竹中邦香  
校

足利直冬  
足利直冬

足利氏滿  
足利直冬

足利直冬。源尊氏庶長子也。日本史、足利系圖、母越

前局。大系圖、越後讀史、以母賤故。尊氏不以爲子。入東

勝寺爲喝食。日本史、南方延元三年春。東勝寺僧圓

林伴洛。憑叔父直義。南方僧圓林作。直義授諱字。

野史

卷六十五

足利

稱今名。吉野拾遺直義為請尊氏。適會紀伊兵起。尊氏始許請。請叙從四位下。任右兵衛佐。將兵往擊破之。日本

史、南方尋嫡母登真平夫人密構讒。為尊氏所踈。日本

記傳、直義遂子養之。系圖尋為宮內大輔。足立家傳正平

史、太四年四月。直義為請為鎮西探題。往留備後。頗得人心。陰為直義外援。是秋九月。為杉原利孝菊池軍記所襲。兵敗。僅走肥後。納少貳賴尙女為婦人。徙居

師其第。兵勢稍張。太平記五年七月。石見人三隅入道西阿來屬。構數城。會佐和善四郎出城。丸屋青杉鼓碯等諸城。為高師泰所陷。益田。長安。多賀。福屋一族。猶

服直冬。據三隅城。當是時。直義屬南廷。京師騷擾。直冬亦在鎮西。與河尻幸俊。託間守直胥議。九州羣起。而師泰措攻伐。歸京師。備中備後國人兵七千餘。逮明年二月。遠圍三隅城。不解。直冬黨毛利匡時。中馬忠廣。坂廣秋等。赴在九州。三隅孤立。大內弘世。嘗補石見守護。竊馳馬。令其族弘直赴援。自亦率兵五千餘。陣于益田。大山。福屋。益田。太田等兵三千。馳加之。將救三隅急。二備國人七千餘。縱兵襲大山。杉弘忠邀擊之於嶮隘。斬獲五百餘。備人江田一族祝司氏正憤激。募兵七百。十五日夜。急襲大內氏陣。守備緩

怠部伍不整。敵又縱火於野。燄塵散亂。延燒陣舍。弘忠捍死。弘世弘直軍潰走。弘直返戰死。死傷者八百。淵水翻紅。巖壑疊尸。而氏正收兵東歸。後太平記及直義所殺。國人皆畔。菊地軍記直冬走長門。據豐田城。倚吉良滿貞。石堂賴房歸順。西土將校復來應。八年。詔爲總追捕使。足利高經。桃井直常因歸順。九年。應。敕。與山名時氏復京師。明年。與時氏高經直常等。俱入據東寺。尊氏率衆來擊。直冬乃退保男山。遂還石見。十七年。率兵援富田直貞於備後。直貞敗走。直冬數與菅信兼戰不克。乃引還。日本史、太平記、餘論至義滿治世

之初。終降之。義滿實諸石見。足利家譜以應永七年三月卒于國。花押、數、日本史、足利家譜、和漢合符、一本足利系圖、武家譜

○花押數。云七月。○國史實錄。鎌倉大日記並云。元中五年七月。○南山巡狩錄云。元中四年七月

二日卒。歲七十四。

法名道昭。號慈恩寺。日本史、武家譜、太平記直冬西土軍敗。僅

以身遁。從者少。途詠和歌曰。阿津左由美。輪禮許曾

安羅女。比幾都麗天。比登耳左。遍宇岐。女乎所美勢

津留。人或憫其志。云。吉野拾遺子直氏爲兵衛佐。日本史、末詳其

左居備後。世呼曰中國武衛。日本史、武家譜號善福寺。武家譜○家

日本史、武家譜、太平記、餘論

新葉集引作者部類云其子為僧曰乾珍為相國寺直冬子左兵衛督成直

寶山嗣嘉吉元年寂武家譜

足利氏滿小字金丸左兵衛督基氏子也日本史大系圖

武家譜喜正平二十二年氏滿襲為管領年甫九歲連川系圖

日本二十三年十一月元服南方記是年平一揆據河

越城叛氏滿暨執事上杉憲顯擊滅之宇都宮亂又

擊平之日本史二十四年山東兵士入信濃攻宗良親

王於大河原城讀史餘論文中二年十一月任左馬頭叙

正五位下足利家譜花營三代記鹿苑殿天授五

年土岐康行起兵叛大將軍義滿命義滿徵兵於氏

滿氏滿遣上杉憲方赴之途聞康行降而還喜連川系圖

四月先是義滿行政縱恣稍失人心氏滿以為良機

欲篡代之議諸上杉憲春憲春驚切諫不聽憲春遣

諫書而自殺氏滿慙悔乃止日本史喜連川系圖三代

大草紙按南方記傳讀六年二月為左兵衛督叙

從四位下日本史三月先是小山義政宇都宮基綱

不應命且聚其徒併兵八千作亂氏滿下命募兵八

州今川貞世率伊豆駿河參河遠江兵二萬到鎌倉

合師十萬上杉憲方為之總帥是月進圍小山城四

月基綱率兵出拒之於裳原憲方與之戰基綱兵多

死。五月再戰。基綱終敗死。日本史、平記、殘弘和元年。氏滿遣梶原道景於京師。乞援義滿。迺命白旗黨援焉。六月。氏滿自督師。陣于高安寺。二年二月。遣木戶範季。上杉朝宗。攻義政于鷺城。尋武藏上野白旗黨。不俟命令而薄鷺城。乘外郭。城兵固禦。不能拔。而罷散者大半。十一月。復攻城。義政遂力屈糧盡。出入乞降。且請讓家於其子若犬丸。氏滿許諾。使布施入道得悅約之。義政乃避鷺城。而徙祇園城。新莊岩坪等。尋皆降。氏滿遣梶原道景召義政。義政乃被僧服。來執謁。大草紙、南、山巡狩錄、三年三月。義政入道永賢復畔。自焚祇園

城。據糟尾城。三月。朝宗範季等進兵。攻長野城。白旗黨欲雪先敗耻。肉薄先登。遂拔之。四月。又陷寺窪城。大草紙、十三日。永賢自殺。城陷。日本史、元中三年五月。若犬丸又舉兵。與陸奧人田村則義通謀。據祇園城。木戶修理亮急起兵。陣布留女山。攻之。不克而還。喜連川系圖、七月。氏滿頓于古河。發兵擊之。若犬丸戰敗。走陸奧。遣上杉憲孝追殺之。親進至白河。則義亦敗。自殺。氏滿乃引兵而還。日本史、大草紙、

○讀史餘論引神明鏡云。明德四年正月。小山若犬丸。力盡自殺。三浦直方。搜捕其子二人。送諸鎌

倉。氏滿命沈之於六浦海底。○鎌倉大草紙。國史實錄。南方記傳或云。應永三年。若犬丸在陸奧。與田村清包謀起兵。六月。氏滿將兵抵白河。敵聞之離散。

四年三月。小田讚岐入道父子或作小田五郎一族叛。據男體城。五月。古河人野田右馬助。送虜於鎌倉。告小田反狀。六月。氏滿禁錮小田子二人。七月。上杉定宗稟氏滿命。率兵攻小田城。小田戰敗。挈孥走男體城。大草紙。五年。小田一族糧竭棄城走云。系圖大草紙。是年六月。義滿觀富士山。遣使招氏滿。氏滿將往會之。上杉憲

方諫止。氏滿稱疾不往。義滿亦不問而還。國史實錄。八年。山名氏清叛。義滿。氏滿發兵將赴援之。聞氏清已平而止。日本史明德。是年。義滿以陸奧出羽增封氏滿。日本史大草紙。明年三月。進從三位。公卿補任不載今應。永五年。頃間京師幕府。定三職七頭。氏滿亦倣之。以上杉爲管領。以千葉小山長沼結城佐竹小田宇都宮那須爲屋形云。餘論。十一月四日。薨。年四十歲。或作四十二。○臥雲日件錄作四十三。法名道全。壁山。號永安寺。足利系圖譜。日本史實錄。記傳。足利家。有五子一女。長滿兼。次滿貞。次滿隆。次滿直。次滿季。滿貞叙從五位下。任左

兵衛佐。號稻村殿。武家譜。應永六年。赴陸奥。大草紙、讀史餘論。云、應永九年二月、爲陸奥管領、稱篠原殿。三十一年十一月。如鎌倉。謁持氏。持氏讓鎬透劔於滿貞。大草紙、傳。永享十一年。黨持氏。二月。軍敗。與持氏自殺。武家譜。滿隆或滿高。號新御堂殿。應永十七年。陰謀不軌。鎌倉騷擾。上杉長基和平焉。大草紙。十九年十二月。更造新御堂小路第。徙居。養持氏弟持仲爲子。實錄、傳。二十三年。足利義嗣有異圖。陰通滿隆。滿隆黨之。上杉禪秀亦援之。竊誘山東諸士。十月。合兵圍攻持氏。持氏遁犇駿河。滿隆及持仲在鎌倉。禪秀專擅權。明年正月。持氏得幕府援兵。與

上杉憲基謀。征討諸世田谷原。而諸士變約。背禪秀。禪秀遂敗死。滿隆與持仲皆自殺于雪下。大草紙、國史畧。滿直日本史作滿直、仲子、滿貞叔子。號篠川殿。應永九年夏。爲陸奥管領。往居篠川城。奥人伊達政宗畔。襲篠川館。上杉氏憲來援。五月。與政宗戰于赤館。不克。再擊。遂克之。九月。政宗降。收軍。大草紙、傳。二十四年。黨滿隆持仲。軍潰而自殺。武家譜。滿季號大御堂殿。爲日光山別當。號勝長壽院。武家譜、山星移集。滿兼。初名氏兼。小字金玉丸。大將軍義滿授諱字。更今名。記。任左馬頭。日本史、喜連川系圖。應永五年。襲爲管領。任



左兵衛督。叙從四位下。日本史、大草、紙、花押、駁。上杉朝宗輔之。  
明年春。遣弟滿貞滿直於陸奥。令鎮衛焉。大草、紙。是歲。  
大內義弘舉兵而反。滿兼自負強大。遙應之。率師抵  
高安寺。陽言右幕府。以誅義弘之報。上杉憲定諫之。  
弗聽。既而聞義弘伏誅。旋軍於鎌倉。日本史、大草、紙、記傳、實錄。七  
年。義滿以上野足利莊。予滿兼。以解其謀。日本史、實錄。滿  
兼猶懷異圖。上杉憲定諫。不從。五月。憲定奔上野。六  
月。滿兼悔過。邀憲定於上野。異謀乃熄。實錄。是秋九月。  
斯波持隆伐宇都宮。廣子。土岐等於陸奥。送其首于  
鎌倉。檢諸侍所。記傳。九年五月。伊達政宗叛。遣上杉氏

憲討平之。日本史、實錄、餘論。十年四月。遣安藤隼人。擊新田  
義隆。記傳、餘論。八月。二日未刻迄。三日已刻。大風。異船漂  
著相州三浦海濱。滿兼命使印東二郎左衛門。梶原  
能登守。三浦義高往點檢。夷曰。爲暴風所漂流云。即  
閱船中。得永樂錢數百緡。命駐其船。發使告狀於京  
師。大將軍義持曰。著山東地者。皆滿兼處分也。乃悉  
收船中所齎諸物。殊給米穀鹽薪等。放還。而後滿兼  
定制永樂錢通用法云。草廬、筆談。  
○南方記傳云。是年。琉球國船漂流六浦海濱。船  
中有音樂聲。

十六年七月二十六日卒。歲三十三。日本史、喜連川系圖、武家譜、松岡過、去帳、三十二、日

○鎌倉大草紙。南方記傳並云。應永十六年六月。鎌倉第火。滿兼徙居完戶邸。十二月。徙新第。十七年七月二十二日卒。○讀史餘論云。應永十七年。卒。皆與日本史不合。姑附錄考。

法名道安。泰嶽號。勝光院。日本史、大草紙、喜連川系圖、松岡過去帳、子持

氏。持仲。持仲小字乙若。應永十八年。與持氏同元服。

大草紙、叙從五位上。任右衛門督。星移二十三年。與叔

父滿隆謀不軌。襲鎌倉。持氏敗走駿河。持仲僭立。稱

鎌倉主。上杉憲方等。與江戶豐島等。大戰于世田谷

原。軍敗而走還鎌倉。大草紙、岩松持國亦應持氏。舉旗

與滿隆戰。滿隆兵敗而退。記傳十二月。今川範政為持

氏乞援于京師。來圍鎌倉。二十四年正月。持仲。滿隆。

滿直。及上杉氏憲等。皆自殺於雪下。軍潰。大草紙、記傳、武家譜、

實錄、

持氏。小字幸王丸。家譜、記傳應永十六年。襲管領。上杉氏

憲為執事。家譜、實錄、記傳十七年七月。千葉介兼胤捕新田

貞方。乃使兼胤斬貞方於七里濱。系圖、大草紙、記傳、

本寺、去帳八月。叔父滿隆。有異謀之聞。府下騷擾。持氏

避之於上杉長基山內第。滿隆陳謝無異。九月還第。  
大草紙、十二月元服。大將軍義持授諱字。稱今名。以  
記傳、准公子。實錄、為左馬頭。圖、十九年秋。稱光天皇立。  
 南廷遺臣。憤怨其違盟。伊勢國司。及大和紀伊陸奧  
 官軍。羣起諸處。伊達松犬丸。懸田播磨守據大佛城。  
 迄明年。持氏使畠山國詮伐之。記傳、二十年三月。建  
 大鳥居於由比濱。初大將軍賴朝創造之。歷世修飾。  
 累年之後。罹兵燹。僅有柱礎。於是持氏復建焉。大草紙、  
 二十二年四月。上杉氏憲稱疾辭執事。以憲基代之。  
實錄、七月。山東諸州羣士奔走。大聚會府下。持氏命

悉令解嚴就國。記傳、二十三年八月。滿隆陰黨足利義  
 嗣。欲廢持氏而使持仲代之。氏憲亦與持氏不遇。辭  
 執事。而後數勸滿隆作亂。竊招募諸士。應之者多。府  
 下騷擾。而持氏未識焉。實錄、十月。氏憲與滿隆持仲。率  
 其黨與。急襲府館。時持氏醉臥。木戶滿範當宿直。令  
 持氏起上騎。避兵於憲基佐介第。從者五百餘。四日。  
 滿隆發寶壽院。會氏憲及千葉滿胤。相馬佐竹等。六  
 日。進攻大本松。上杉氏定拒之。奮戰格鬪。傷而退。持  
 氏麾下梶原但馬守。海上筑後守。椎津出羽守等。禦  
 之氣生坂。但馬出羽死。筑後傷。氏憲縱火國清寺。進

薄佐介第。持氏左右多戰歿。防禦勢屈。遂火第。與長基走。歷腰越而抵小田原。氏定傷不克從。遂入藤澤道場自殺。敵猶追焚小田原驛。持氏不得捍禦。上杉憲元父子。今川某奮鬪而死。持氏終夜犇抵箱根。別當證實遣人護送。遁伊豆奈古耶。到駿河大森。而倚賴今川範政。徙瀨名。議恢復。實錄、記傳、大草紙、星移集、部下諸士散在。或聞持氏逃在國清寺。木戶滿範等據之。狩野介及走湯山。衆徒圍攻。滿範等戰敗。皆死之。長基奔越後。大草紙、記傳氏憲立持仲稱主。滿隆等輔翼之。據倉府。大草紙、實錄今川範政爲告難於京師。以乞援勢。大

將軍義持移檄於山東諸州。令起兵救難。於是稍稍背氏憲。有歸義者。大草紙、國史持仲及上杉憲方率兵掠畧武藏地。南一揆。江戶。豐島。二階堂等。捍戰于世田谷原。克之。岩松持國亦舉兵于上野。應持氏滿隆發兵伐之。連戰皆敗。二十四年正月。持仲。滿隆暨氏憲等。與江戶。豐島等戰。頗有利。累戰數月。稍反而有復義者。勢撓軍敗而還。記傳、餘論是月。今川範政與葛山大森。爲持氏舉兵。入鎌倉。結城氏朝。小山。河越。佐竹義憲。千葉滿胤。小田。宍戶。土肥。土屋。武田。小笠原之徒。咸復義。俱併兵攻鎌倉。進逼府下。大草紙、記傳、太平記、實錄後十

日。持仲。滿隆。滿直。及上杉氏憲。憲方。憲春。快尊。氏春等遁。雪下。盡自殺。黨與離散。亂悉平。大草紙實錄記。傳後太平記。旅宿問。十七日。持氏再入鎌倉。論功行賞。二十八日。還府館。是日。憲基辭執事。退于三島。持氏強令起。執事如故。大草紙。傳。岩松滿純入道天用反。五月。遣人攻。擄天用。斬焉。大草紙。記。傳。武家譜。岩松系圖。二十五年。上總本一揆。與氏憲餘黨叛。侵掠郡邑。遣一色左近將監。擊平之。二十六年正月。本一揆再畔。據阪本城。遣木戶內匠助擊之。三月。攻下之。傳。記。二十七年。叙從三位。任左兵衛督。公卿補任。武家譜。○國史。二十八年九月。持氏遣

吉見範直。討武田八郎。記。傳。二十九年十月。佐竹義憲叛命。使上杉憲宗伐之。閏十月。戰於比企谷。義憲敗死。記。傳。餘論。常陸人小栗滿重畔。遣上杉重方討之。不克。三十年五月。持氏自率師抵結城。分兵攻小栗城。八月。拔其城。滿重脫走。大草紙。實錄。記。傳。先是幕府發兵赴援。迄駿河國。聞亂平。弭歸。記。傳。宇都宮持綱黨滿重。而聞其城陷。亦逃走。持氏遣鹽冶駿河守追擊焉。又誅桃井下野守。佐佐木入道。而旋師於武藏府中。大草紙。實錄。傳。持氏屢克亂討逆。驕恣行令。山東諸士稍反。不順政教。持氏怒。彌厲益離。三十一年三月。義持使僧服

野史 卷六十五 十二

西堂讓專攻伐。持氏迺載書以謝焉。猶陣府中。九月。西堂復來。修前好。十一月。持氏還于鎌倉。大草紙、記傳、餘論三十二年八月。使上杉憲宗國史實錄率兵征伐武田信長。傳、記三十三年。持氏自將兵。抵橫山口。以色時家爲先鋒。入甲斐。信長率兵出拒之。猿橋。八月。武藏七黨自秩父口入甲。略其郡邑。信長不能抗衡。遂困而降。九月。凱旋。大草紙、記傳正長元年春。大將軍義持薨。無嗣。及義宣歸俗襲職。持氏弗懌曰。我是尊氏之胄。居管領四世。嘗義持有父子之契。義持沒世。則征夷之任。措我而誰哉。奚爲屈膝於青蓮院僧耶。二

年。改元永享。持氏猶用正長之號。三年八月。始用永享之號。持氏抗衡之志猶弗熄。頃聞義宣繼立。武威漸布。改年號。然意內日練習僭立。實錄五年三月。武田信長復反。而還國據城。侵掠近邑。記傳八年十一月。信濃守護小笠原政康與村上植清相擊于國。持氏素援植清。於是植清乞救於持氏。持氏乃遣桃井義任。那波上總介等發兵援之。憲實諫曰。夫信濃者。非鎌倉之統內。君何關之耶。持氏弗聽。強而後可。持氏寢踈憲實。實錄、記傳、餘論十二月。鎌倉火。府下邸舍悉燼。九年正月八日未刻。有光飛廻鎌倉。記傳四月。持氏令上杉

三十一

憲直。一色直兼督兵。託援植清于信州。竊欲討憲實。事頗漏。憲實怖而徙七歲小兒於上野。實錄、記、傳、餘論六月。持氏自往憲實第和解。憲直聞而走藤澤寺。實錄、傳、記十年三月。持氏謂憲實曰。適子賢王丸。歲已垂加冠。宜從宗祖義家之故事。欲冠禮於鶴岡八幡祠前。卿意何如。憲實諫曰。先君氏滿而來。皆請幕府。約諱字而冠。以爲故事也。且頃年邊陲不睦。君臣不和。臣憂之久矣。不如令適子如京師。從故事而冠。則東西融穆。干戈永偃。如不然。則遣使請一字。而後行禮乎。公熟圖之。持氏曰。方今天下。莫當吾兒之冠父者。我心已

決矣。卿亦莫言。憲實猶諫不止。持氏勃然。遂拒憲實言。六月。親携賢王丸。如鶴岡。行冠禮於社頭。稱名義久。憲實稱疾不會。令上杉重方代視事。家譜、實錄、記、傳、旅宿問答星移八月。憲實宰長尾芳傳。潛謁持氏。請曰。方今府下騷然。巷說紛紜。君公枉駕。面諭憲實。則上下無爲。四民解惑矣。是衆庶所願也。持氏弗聽。密募兵甲。急襲山內第。憲實聞曰。如見旌旗而出。則負叛名矣。遽挈孥奔采邑白井。而預備變。持氏乃率兵。抵高安寺。使一色直兼及時家等。侵上野縣邑。家譜、記、傳、實錄憲實輩檄告狀于京師。九月。大將軍義教奉勅。下教於山

東諸侯。賜征旗於上杉持房。發師令伐鎌倉。將士多應焉。記傳、實錄、旅宿京軍先鋒勝間田熊谷寺尾等與持氏兵戰于箱根嶺。不利。熊谷寺尾死之。記傳、皆未詳其名。持氏嘗以三浦時高爲鎌倉留後。於是背應持房。大森憲賴。箱根別當證實與戰却之。尋持氏徙陣于海老名。海老名從遣上杉憲直。二階堂。穴戶等防京軍。而敗績。京軍遂踰足柄而進。偪早川尻。持氏更使木戶持秀禦之。會直兼。時家等兵皆敗。歸于海老名。記傳、國史畧、論、山東諸州國人悅而赴焉。記傳十月。時高兵縱火于大藏谷。犬懸。

掠畧府下。十一月。遂入府館。義久暨滿貞。逃匿扇谷。梁田名塚。河津等。駐戰死之。記傳、餘論持氏兵罷勢窮。憑芳傳請成于憲實。芳傳佯迎持氏。真之於稱名寺。持氏遂削髮。更名道繼。憲實遷諸永安寺。使上杉持朝。千葉胤直。大石憲儀護衛之。誅上杉憲直。一色直兼於金澤。持氏切請自老而立義久爲嗣。憲實爲請之於京師。記傳、實錄、旅宿十一年春。義教奏持氏之罪於朝廷。弗許其所請。二月十日。持氏遂與夫人某氏。叔父滿貞等。皆自殺於永安寺。公卿補任、如是院講實錄、後太憲實葬持氏尸於永安寺。號長春院。法平記、星移集。



名道繼作純或揚山。時歲四十二。武家譜、實錄、旅宿問答、永享記、○臥雲日  
件錄作歲子義久。春王丸。安王丸。成氏。成潤。周昉。尊  
術。廣氏。義久小字賢王丸。元服稱太郎。永享十一年  
二月。持氏自殺。諸將士圍義久於報國寺。星移集、作  
義久神色若而曰。我今自就。擄不能復仇。死而有靈。  
則爲神而滅上杉氏矣。言畢伏刃。衆憫之。實二十八  
日也。記傳、實錄春王。安王。傳母抱擁而逃。匿日光山。實錄、  
畧。十二年正月。持氏遺黨一色伊豫守。據相州今泉  
城。上杉清方遣兵攻之。記傳、實錄是月。春王。安王潛遣人。  
憑結城氏朝。氏朝應之。使其子光久邀諸結城城。記傳、

實錄、旅宿問答氏朝爲募兵。持氏舊好將士多來屬。偕謀恢  
復。野田右馬助據古河城。吉見希慶起上野。俱應氏  
朝。記傳、實錄事聞京師。大將軍義教令憲實討之。憲實辭。  
使弟清方代之。族持朝從之。義教又予征旗於上杉  
持房。徂征。五月。憲實率兵陣小山。爲之聲援。清方持  
朝率武人越人信人。持房帥京軍。合圍結城。氏朝  
亦與族人及舊好諸士。奮勵捍禦。贏輸相互踰年。家譜、  
實錄、記傳、旅宿問答、國史畧信人大井持光。奉永壽王丸。揭旗於  
笛吹嶺。上杉重方拒之。餘論嘉吉元年四月。諸軍急薄  
城。縱火。禦戰不利。氏朝及持朝自殺。六日。城陷。死者

持朝恐光  
久誤

子  
史  
卷六十五  
十六

一萬餘。春王與安王女裝而逃。長尾豐景捕之。家譜、永享記、嘉吉記、記傳、結城戰場物語、後太平記、上杉武藏入道實信。長尾景仲攻古河城拔之。大石憲重伐希慶于上野。記傳、五月。豐景護送春王安王。抵美濃垂井。義教遣荻野美作入道。小早川春平。斬春王安王於金蓮寺。春王時歲十三。安王十一。送首於京師。記傳、實錄、永享記、武家譜、旅宿問答、後太平記、傅母長尾氏。自初逃日光。至是姑不離側。遂就虜。抵京師。義教使鞠問持氏他子所在。及與黨不應。遂齧舌而死。永享記、實錄、旅宿問答、成潤號大御堂殿。早歿。武家譜、周助為僧。初名守實。道號天心。稱熊野御堂。在長春院。

系圖、源、尊術。號雪下殿。稱蓮華王院。為若宮別當。系圖、孝記、集、廣氏播磨守。繼蔭山氏。武家譜、成氏。小字永壽王丸。家譜、武家譜、實錄、永享十一年、父持氏自殺。時年僅五歲。遁匿鎌倉瑞泉寺。大草紙、嘉吉元年四月。結城城陷。春王安王就虜。永壽王奔信濃。憑大井持光。實錄、永享記、旅宿問答、記傳、○鎌倉大草紙云。初走信濃。憑大井持光。及春王安王舉旗於結城。赴歸。而城陷之日。與二兄同見擄。二兄被害。永壽王獨免死。配流美濃。土岐持益警衛焉。

二年春。舊好諸將士。聞永壽王潛居猶存。陰通謀。議恢復。傳記。文安二年。上杉憲實。武家譜作長尾昌賢。請赦永壽王。復歸。四年九月。還鎌倉。居龍興院。尋徙淨智寺。大草紙。十一月。徙新館元服。大將軍義成授諱字。稱成氏。大草紙實錄。左兵衛佐。永享記。寶德元年八月。叙從五位下。任左馬頭。續家譜。長尾景信入道昌賢。迎憲實季子龍若于伊豆。令元服。名憲忠。任右京亮。為執事。大草紙。傳實錄。於是山東諸將士。各就國休于戈。東州暫屬無事。成氏亦召結城氏朝子成朝。令近侍。竊謀復仇。實錄。二年四月。憲忠黨太田資清。長尾昌賢率兵五百

餘。急襲府館。成氏勢微。不能捍禦。避諸江島。昌賢資清追至七里濱。小山下野守禦戰。從兵八十餘人皆死。自亦傷而退。敵勢强大。偪由比濱。千葉小田宇都宮等當之。昌賢資清等軍敗而走。保于糟屋莊。大草紙。憲忠據七澤山。使僧道悅乞成。八月。成氏聽其所請。而還鎌倉。紙傳。大草紙餘論。三年二月。進從四位下。為左兵衛督。家譜。續藩翰譜。十二月。成氏與成朝議。遣成朝及武田里見印東等。率兵三百餘。急襲西御門第。憲忠不意。而守備不整。狼狽。與從者二十人。捨鬪而遂死。大草紙實錄。上杉系圖。進圍山內第。又遣武田信長。一色直明。記傳。永享記。

與上杉持朝等戰。克之。持朝及其族退。上野食邑。暨川越昌賢亦邀。越後守護上杉定昌。以憲忠弟房顯為將。又與憲顯持朝議。請賜教書。以討成氏。大將軍義政許可焉。成氏亦發使。請曰。賊臣憲忠。以有罪誅之。更無有佗志也。願納足利莊於幕府。賜按察以撫綏東陸事。再三弗聽。遂予征討成氏之教書於上杉氏。成氏怒。將兵一千餘。享德四年正月。出陣于高安寺。上杉族聞之。軍于分陪磧。成氏親督兵。急擊克之。憲顯拒戰。傷而自殺。成氏進抵分陪磧。二十一日。上杉族擇精騎五百餘。挑戰不撓。成氏奮擊破之。猶追

躡。里見世良田之徒。或戰死。結城。小山。武田。村上等奮戰力鬪而破。敵房顯亦負疵而自殺。於是敵徒來降者多。成氏善撫綏之。威武稍振。上杉及長尾等族黨。皆退保小栗城。閏四月。成氏前抵結城。遣小田梁田等。攻小栗城。拔焉。千葉介胤直。宇都宮等綱。山川氏義。眞壁氏幹等。援上杉氏起兵。成氏親攻宇都宮城。芳賀時綱。紀清兩黨。勸等綱子明綱歸降。等綱剔髮。奔陸奥。氏義氏幹相繼而降。服。上杉定昌。援房顯。率越人信人。長尾昌賢。率武人上野人。與上杉藤朝。憲明等。據下野。天明唯木山。以議討成氏。千葉介亦

應馬。成氏遠圍。梗絕山路運輸之便。越人野人不戰而去。成氏更城于下總古河縣鴻巢。令梁田某戍關宿城。野田氏行戍野田城。又督武甲總相之師。略碓西。征伐上杉長尾。以鎮平東州。使僧服西堂於京師。以請命。義政猶弗聽。大草紙六月。義政授教書及章旗於今川範忠。率海道五州兵入鎌倉。木戶大森。印東里見。捍禦之於離山。不利而還。成氏亦自領兵防戰。又敗。退保府中。途世田谷南一揆支之。遂陣于勢字布。驅集敗卒。以為守備。大草紙實錄千葉介族原胤房。高加常輝來送款。攻千葉城。拔之。又陷多胡城。八月。攻

一本高作馬

東覺院。介胤直自殺。又遣武田里見等攻碓西城。陷之。康正二年十月。成氏使鳥山右京亮高因幡守為先鋒。與上杉族戰岡部原。克之。岩松小五郎。金井新左衛門起上野。救上杉氏。而次于羽續原。成氏與之戰。不利。而旋兵於足立郡。大草紙長祿元年六月。義政又使澁川義鏡。右範忠伐成氏。成氏與上杉族徒及援助諸軍數戰。或克或敗。勢日衰耗。歎益熾盛。將士乖離。兵卒傷亡。是歲十月。遂去鎌倉。而徙古河城。部屬推稱之古河御所。大草紙實錄三年十二月。成氏戰破上杉族於武州太田。上杉教房敗死。房顯退于上

州五十子。成氏亦還古河。實錄。文明三年三月。成氏遣兵侵畧三島。將襲堀越。足利政知乞援於今川範忠。禦戰而敗。矢野安藝入道救政知。成氏不利而還。大草。五月。長尾景春與上杉顯定及定正來攻古河城。捍禦勢屈。六月。成氏遂奔千葉城。永享記。明年春。發軍逐其成兵。而復歸古河。令梁田中務大輔守關宿城。永享記。九年七月。成氏將兵。援長尾景春于瀧。兩杉不戰而退白井。大草。十五年。大將軍義尚與成氏行成。實錄。明應六年九月晦。成氏卒。歲六十四。武家譜。倉松岡。法名道昌久山。號乾亨院。武家譜。過去帳。花押。數。去有二。

子。政氏。顯實。顯實出繼上杉氏。系圖。政氏以文明十六年十二月元服。大將軍義政授諱字。實錄。任左馬頭。叙從四位下。武家譜。系圖。○花。永正三年冬。與子高基不協。接戰數回。上杉顯定使長尾景春行成。政氏去城而閑居。實錄。享祿四年七月十八日。政氏卒。武家譜。實錄。法名道長吉山。號甘棠院。實錄。過去帳。子高基。義明。基賴。義明初為僧。稱雪下殿。後養髮還俗。稱左兵衛督。或作左兵衛佐。與父兄不睦。漂泊陸奥。頃年千葉族原胤榮。或作胤繼。居小弓。小弓又實。與國人武田田豐三。真里谷參河守。屢諍地境。胤榮每戰克。武田

野史 卷六十五 二十一

徒依難敵。密迎義明於陸奥。奉以爲盟主。義明爲人  
勇猛剛毅。有度量。二總房三州國人貳古河。不快。兩  
杉者。悉來歸于此。威武稍震。略邊境不順者。實錄。永正  
十四年十月。實錄云。發軍於二總。攻小弓城。遂滅原  
胤榮及高城。越前守父子。尋拔三上城。高城胤辰遁  
走。快元僧都實錄。次年。徙居小弓。碎玉話。賜言曰。我廢古  
河。而爲八州管領。已在邇。屢掠畧近郡。實錄。天文七年  
讀史餘論。八月。義明薄古河。將廢晴氏。晴氏乞救於  
北條氏綱。十月七日。今按退私錄稿云。十一月。房總  
文六年。十月。義明暨里見義堯。率房總二州兵。與氏綱  
月五日。

大戰于鵠臺。義明軍敗。兵散。遂杖眉尖刀而死。武家譜  
錄。快元僧都記。北條五代記。三弟基賴亦從而戰死。  
國志。房總軍記。後太平記。系圖。武家譜。土人後崇義明靈。稱社家神。碎玉法名道哲空  
善。號八正院。松岡過帳。里見義堯抱義明幼兒。潛匿安  
房云。實錄  
○快元僧都記云。佐佐木源四郎逸見八郎逃去  
戰場。奉義明季子御曹司。焚小弓城。走房州。憑里  
見氏。或作義明走保小弓。北條氏綱來攻。拒死之。  
○碎玉話載。天文十五年。軍潰。義明就虜。見殺於  
小田原云。

卷六十五  
二十二

子賴純稱左兵衛督。慶長六年五月卒。號龍光院。武家譜、過去圖、有子。曰國朝。曰賴氏。國朝繼義氏。合二流爲一云。

高基爲左馬頭。叙從四位下。武家譜、古押譜、永正十五年。請

北條氏綱以其女配子晴氏。以爲援。實錄、天文四年六月十二日。卒。號潛光院。武家譜、實錄、○快日、法名道實

高山。過去圖、去二子。晴氏。晴直。晴直居上總宮原。是爲宮

原氏祖。家譜、圖、

晴氏。小字龜丸。系圖、享祿元年十二月元服。上杉憲

寬爲遣人。請大將軍義晴諱字。稱晴氏。稱河內守。實錄、

四年四月。諸將士胥議。立晴氏爲主。偪父高基逐焉。實錄、晴氏資性多疑。心無決斷。初娶北條氏。而納難波田彈正。小野因幡守等言。通好于兩杉氏。貳氏康氏。康使人乞和。弗聽。天文十二年九月。上杉憲政暨朝定欲復河越城。併兵次砂窪。十月。晴氏率兵赴會。當是時。山東兵士會者。師凡八萬。遂與圍河越城數匝。北條綱成固禦。至次年四月。氏康率兵八千後援。復遣使謝晴氏者再三。猶弗聽。二十日夜。氏康大擊兩杉于砂窪。破之。綱成亦出襲晴氏營。晴氏軍亦大敗。逃歸于古河。實錄、北條盛衰記、北條五十一國志、十一月。氏康代記、關東兵亂記、三國志、十一月。氏康



遣人謂曰。卿嘗信讒。疎我。鬪諍有日矣。於今如何。晴氏懼而請成。實錄。十八年三月。任左兵衛督。叙從四位下。武家譜、系圖、歷名、土代。二十三年四月。先是晴氏復將伐北條氏。氏康使松田賴秀率兵七千。來圍古河城。時城中兵士寡少。上下周章。不知所捍禦。町野二階堂等。僅二百餘騎。出城擊戰。不克。敵傳乘壁。竟執晴氏子。義氏幽之於波多野山中。居二歲。弘治元年春。使晴氏退老。子義氏繼其祀。十二月。令徙關宿城。令梁田政信保衛焉。松窓漫錄、甲陽軍鑑、兵亂記、實錄、盛衰記、或係弘治二年。永祿三年五月二十三日卒。武家譜、系圖、實錄、松岡過去帳、或作五月二十七日。去

名道統系山。號永仙院。武家譜、過去帳、系圖、古押譜。子義氏。

義氏。小字梅千代。王丸。母北條氏康女。系圖、實錄。天文二

十三年冬。氏康逐晴氏。立義氏。令遷葛西谷。以稱御

所。實錄。弘治元年。元服。時歲十八。氏康為遣使於京師。

請爵位。詔任左馬頭。叙從五位下。大將軍義輝授

義字。稱義氏。實錄、松窓漫錄、續藩翰譜。尋移關宿城。實錄。三年二月。

進從四位下。為右兵衛佐。續藩翰譜、武家譜、或作左兵衛督。永祿元

年四月。義氏詣鶴岡八幡祠。盛衰記、兵亂記。三年四月。還居

古河城。續藩翰譜。頃年北條氏武威布山東八州。國人拜

趨嚮慕其風。義氏僅存家號耳。天正十年十一月二

十一日。卒。武家譜、系圖、古押法名道善長山。號香雲院。系圖、武家譜、過去帳、義氏有一女子。亡男。基氏之適統至是而絕矣。諸士擁義氏女爲主。女名氏子。配國朝。以爲嗣。  
國朝初字乙若丸。實賴純長子也。義氏卒而後。諸士奉氏子據古河城。又徙居鴻巢。天正十八年秋。關白秀吉征伐北條氏。而抵宇都宮。聞義氏無男。遣女守其祀。將斷系統憫之。至喜連川。召見賴純。問其所出。而曰。故家也。不可無後。畀親養料之田。三千五百石。於賴純女島子。命使國朝配氏子。爲義氏後。島子授

與喜連川地於國朝。系圖、松窓、續藩、實錄、國朝稱左兵衛督。系圖、文祿二年春。欲訪秀吉于那古耶行營。赴懼疾。二月朔。途卒于安藝。歲二十二。系圖、松窓、漫錄、續藩、法名道良球山。號法常院。系圖、過去帳、國朝亦無子。秀吉使國朝弟賴氏再配氏子。以承其後。  
賴氏。實賴純次子。稱左馬頭。系圖、古押、文祿二年。稟秀吉命繼祀。慶長四年。割采邑二百石于島子。島子以承應元年。創月桂寺於東府市谷。附其百石地云。續藩、慶長六年。東照宮加賜芳賀田千石於賴氏。系圖、寬永十七年六月。賴氏卒。尊信承祖父後。子孫相

繼。家號喜連川云。

野史卷六十五終

野史卷六十六

足利公族列傳第二

足利滿詮  
足利義嗣  
足利義照  
足利政知  
足利義視  
足利義維

飯田忠彦  
修  
竹中邦香  
校

足利義冬

足利滿詮。足利義詮二子也。足利系圖、足利官位記、公卿補任、正平二十四年二月。滿詮將兵赴武藏。陣本田。時甫十一歲。是冬。還京師。南方記傳、境彈正再與、崑山入道。率兵發本田陣。入信濃。當是時。征東將軍宗良親王在大河原城。澁谷一族及高坂。高宗。木曾。上杉等從屬。與山東兵戰。是冬。雪大降。寒威裂膚。兩軍交綏。山東兵皆去。宗良親王還吉野。民部卿光資猶駐國。據大河原城云。記傳、天授三年三月。叙從五位下。武家譜、官位記、從四位上。從四

位下。遷左兵衛督。應永九年正月。叙正四位下。武家譜、官位記、

位。三月。任參議。尋陞從三位。累遷權中納言。轉權大納言。進從二位。薙髮。法名號道智。公卿補任、武家譜、二十

五年五月十四日。薨。常樂譜、武家譜、國史實錄、歲五十。

記傳、或作道號勝山。稱養德院。武家譜、實錄、贈左大臣。從一位。家譜、武家譜、稱小川禪閣。常樂譜、有子。

皆為僧。長義。運大僧正。准三后。居實相院。系圖、門父

歿之日。想像曾祖父尊氏逝去秋。可遍留邊幾。美知

之。那計禮婆之和歌。而詠曰。久羅井耶麻。阿登波武

加之爾。歌波麗登母。可偏良奴美千波。以滿裳加南

卷之六十一

二十七

志岐。記傳。次持辨大僧正。准三后。為天台座主。座主記、門跡傳。淨土寺。次義賢大僧正。准三后。法務三寶院。次持圓大僧正。次義快。地藏院。系圖、門跡傳。足利義嗣。大將軍義滿二子也。系圖、公卿補任、家譜、官位記。應永十五年二月。聽童昇殿。武家譜、實錄、官位記。嘗義嗣母有寵於義滿。義滿鍾愛義嗣。超越嫡子義持。故義嗣或缺敬。義滿亦不敢咎問焉。三月。叙爵。家譜、武家譜、官位記。是月。義滿請後小松天皇幸北山第。義滿親携義嗣。奉迎車駕於四腳門下。義持不至。天皇留蹕十餘日。宴遊最盡善美。會公卿賦和歌。以花契萬年為題。御製

出卷首。義滿廢之。其次義嗣。次關白藤原經嗣。次公卿。以位階書之。是則義滿以有欲廢義持而立義嗣為主之意也。北山第行幸記、家譜、國史畧。是時。義嗣任左馬頭。叙正五位下。纔經三日。進從四位下。尋為左近衛中將。公卿補任、官位記、家譜、武家譜。左大臣藤原良嗣為關白。改名忠嗣。以避義嗣。當時見憚如斯云。餘論。四月。元服。任參議。陞從三位。補任、官位記、家譜、武家譜。十六年閏三月。兼加賀權守。補任、武家譜。七月。遷權中納言。明年春。昇正三位。十八年夏。進從二位。補任、官位記、家譜、武家譜。十一月。轉權大納言。補任、官位記、武家譜。二十一年正月。叙正二位。補任、官位記、武家譜。二十二年

夏。義嗣忤兄義持旨。罷守護職。義嗣潛憑佐佐木六角氏。六角氏弗肯。鎌倉大草紙。明年十月。義持命捕義嗣。義嗣削髮。號道純。先是義滿陰有廢嫡之志。弗果而薨。故義持不良。義嗣不悌。且懷篡立之心。頃年伊勢國亂。義嗣乘其弊。以為逞意不成。聞上杉禪秀謀不軌。遙應之。逃匿通謀。義持怒。索之。不得。而獲之於相國寺中林光院。幽之。大草紙。武家譜。實錄。國史。零。二十五年正月二十四日。遂殺焉。家譜。實錄。大草紙。家譜。紙。實錄。法名道純。號圓修院。家譜。官位。後贈從一位。武家譜。有二子。曰梵修。香嚴院。曰清欽。號修山。皆為

僧。系圖。武家譜。

○按明智軍記。義嗣子有嗣俊。稱右兵衛佐。族鞍谷。居越前。其孫嗣知女。適朝倉義景云。它未有所考。附以俟再訂。

足利義照。今按或作義昭。又義性。○大將軍義滿六子。義教異母弟也。皇代記事。門跡。實錄。記事。門跡。慈仁愛人。有大度。為僧居大覺寺宇智院。紀事。門跡。傳。又住仁和寺西院。和寺諸院。任大僧正。紀事。門跡。傳。准三后。門跡。傳。白義繼家記。繼立。驕暴謾人。稍背眾望。義照嘗與小倉王子相親善。一日謂王子曰。方今將軍新立。暴戾稍畔。人望王

子如有恢復之志。臣盡力以救四民愁苦矣。頃聞畿  
甸官軍。及一色世保族。構怨於幕府。又東州殆亂。如  
下令旨於九州將士。招諭則悉歸順。大業可坐而致  
也。王子大悅。而陰寄書于菊池大村之徒。以謀再舉。  
義照亦稱疾長髮。事頗漏。義教疑恠。實錄。菊池軍記傳。永享  
十二年九月。義照暨坊官大和法眼亡跡。義教聞而  
驚。物色索焉。實錄。記傳。島津氏古文書。記傳。嘉吉元年三月。義照逃  
抵薩摩。入民舍。見磨。怪而問之。農夫等粗識。爲亡命  
人。或託書于農夫。送菊池氏。農夫等或疑。解其緘。則  
載和歌二章。曰。波奈半以可仁。輪禮乎阿陀志登。於

母布羅武。都禰爾加波良奴。許東志那里計里。耶滿  
可計濃。波南古楚以麻盤。差幾曾武禮。美耶許半寸  
惠登。於母比也留邊之。記傳。是月十三日。鹿兒島農夫  
舉而合圍。義照及大和法眼捨鬪而死。時歲三十七。  
門跡傳。記傳。菊池軍辭世和歌曰。阿陀南李等。於毛  
比之波奈乃。與幡斐左遍。宇良耶末之久裳安須乎  
新留加南。餘論。  
○薩州舊傳集云。義照遁在日向福島院。島津忠  
國遣人圍福島永德寺。山田式部少輔殺義照及  
別乘讚岐房。

野史 卷六十六

五月傳首於京師。面貌毀傷不可認。義教問諸義照侍童。童涕泣對曰。主公缺奧齒二枚。果信焉。

足利政知。知或作智。又作政氏。大將軍義教三子也。初為僧。居

天龍寺中香嚴院。家譜。武家譜。大將軍。實錄。記傳。長祿元年九月。足

利成氏去謙倉而無主。義政使政知養髮。稱左馬頭。

家譜。實錄。大草紙。時歲己二十三。十二月。叙從五位下。尋任

左兵衛督。家譜。武家譜。土代。作二年十二月。二年四月。政知東下。

義政下教書於東海東山二道。使奉政知為鎌倉主。

討成氏。豆駿甲信國人競起邀之。然路途梗塞。不得入鎌倉。而居伊豆北條。上杉房顯及定正等。陽尊崇

之。稱堀越御所。陰則謀自大之事。政知徒擁虛號而

已。大草紙。實錄。記傳。逸史。寬正二年十月。如鎌倉。應仁記。頻年

兩杉氏與成氏數接戰。今川範忠將駿豆兵。守鎌倉。

實錄。文明二年十一月。叙從四位下。歷名。土代。七年九月。進

從三位。家譜。武家譜。實錄。延德三年四月五日。為子茶茶丸

所弑。先是政知愛後妻子義遐。將立以為嗣。黜茶茶

丸。稱飲酒有狂疾。錮之於一室。令士人警衛之。有年。

茶茶丸憤怨日久。或憫其幽廢。密贈以匕首。茶茶丸

窺成者之眠。悉刺殺之。出室。馳入政知寢室。先害繼

母。與黨族徒遽襲。遂弑政知。政知時歲五十七。系圖。實錄。

野史 卷六十六

三十一



退私錄稿、道號九山。號勝幢院。武家譜、家譜有子。曰茶茶丸。恨父作亂。北條長氏聞難。赴馳攻之。茶茶丸奔。入成就院。而自殺。實錄、武家譜次義遐。時歲十三。與左右逃奔駿河。依賴今川氏親。後義遐補征夷大將軍。更名義澄。實錄足利義視。本名義躬。湖山星大將軍義教四子也。母家女房稱小宰相。御系圖、公卿補任、日記以永享十一年正月。生。家譜、日記初入淨土寺爲僧。名義尋。准三后。系圖、門跡傳寬正三年十一月。義政在職既久。齡垂立年。未產男子。稍倦職務。遣人召義尋。命令還俗。義尋辭之。義政

強曰。他日如舉男兒。則不脫襁褓。而投諸浮屠氏矣。家譜十二月。遂長髮改名。時歲十七。所居號今出川。使細川勝元爲執事。尋任左馬頭。叙從五位下。時髮未長。裹頭拜詔旨。家譜、武家譜、補任、官位記六年正月。進從四位下。補任、官位記十一月。元服於幕府。是日。詔聽禁色。補任、官位記義政携義視。同車入覲。實錄無幾。任參議。補任、官位記兼左近衛中將。官位記、家譜十二月。超任權大納言。陞從三位。補任、官位記實錄、家譜、文正元年春。進從二位。補任、官位記四月。斯波義敏及義廉相諍。家督義敏獄之。義政聽之。山名

宗全黨義廉都下流言。義視亦援義廉。義政怒。與義  
視絕。義視微行。入細川勝元第。一色範直親元等援  
之。京師騷擾。家譜、實錄、應仁記九月。權大納言藤原勝光野日  
爲義政說義視。行成。義視不肯。勝元範直屢諫。乃從  
焉。家譜、實錄、國史應仁元年正月。陞正二位。補任、官位記、家譜、武家譜  
八月。伊勢貞親依勝元。請赦罪。復舊職。義視素惡貞  
親。離間昆弟。故潛謀出亡。實錄九月。義視間行如坂本。  
夫人藤原氏左大臣重政女。嘗避難在此。乃相見而  
喜。偕赴伊勢。國司權中納言源教具。迎接甚厚。義視  
歷遊勝地。詠和歌遣興。想像京師。以憂兵革。補任、家譜、實錄

後太平記、南海治亂記、國史二年四月。義政移書於伊  
勢丹生館。勸義視還京師。家譜、實錄勝元及畠山政長。赤  
松政則亦連署迎焉。實錄、治亂記六月。義視發伊勢。贈短  
歌於教具。告別。教具答歌。而義視入木造東明寺。伊  
勢伊賀美濃國人。或獻馬餉。送之。濃人世保某弗從。  
令教具攻拔其城。八月。聖護院門主道興齋。救書。  
到東明寺。邀義視。義視乃抵長野。畠山式部少輔前  
驅。入寶壽寺。仁木某等來屬焉。勝元政長等。皆使其  
族徒迎接。以兵戈故。道路梗塞。至十月。僅得歸京師。  
勝元使羣侯。邀入聖壽寺。會有流言。勝元欲廢義政。

立義視。義政疑懼。潛親將投宗全陣。勝元聞而大驚。謂曰。使義視赴宗全陣。義政乃解疑。家譜、實錄、治亂記、國史略十一月。勝元使武田信賢擁義視。冒雨登叡山。家譜、實錄義視初抵西塔。西塔僧徒憚義政不納。乃遷東塔。僧徒議曰。方今義視來倚賴此山。如沮之則被不仁之嘲於天下矣。他日雖獲罪。不忍穢我嶽名也。迺出迎之。家譜山名宗全悅。使人迎義視。真諸斯波義廉第。擬幕府。其黨等稱臣警衛焉。家譜、實錄、治亂記夫人藤原氏。於是托男義材於武田信賢。實錄十二月。詔削義視官爵。補任、家譜、實錄文明九年十一月。義視如美濃。家譜、國史略延德

元年。大將軍義尙薨。義政慘歎亡嗣。四月。遂與義視和輯。招入京師。養義材以爲繼。義視乃携子義材。自美濃入京師。館于通賢寺。補任、家譜、實錄、常德尋剃髮。法名號道存。補任、官位記、或作道孝十月。如東山謁見義政。實錄二年七月。詔准三后。武家譜、實錄、國史三年正月七日。薨。歲五十三。家譜、武家譜、實錄、在陣著道號久山。稱大智院。實錄、家譜、門跡傳、武家譜二月。詔贈太政大臣從一位。家譜、武家譜、實錄子義材。後更名義植。入補征夷大將軍。  
足利義維。大將軍義澄二子。義晴弟也。實錄、足利季世記、實久記

義澄依託諸細川澄元。實錄大永三年四月。前大將軍植義薨於阿波。羣臣或議立義維爲後。三好元長等拒焉。古押譜七年三月。與細川晴元俱發阿波。抵界浦。元長等迎接。於是元服。時歲十七。晴元亦元服。季世實錄七月。叙從五位下。任左馬頭。歷名土代天文二年六月。三好宗三。木澤長政等圍元長於界浦南莊。陳元長軍敗自殺。時義維在顯本寺。將自殺。晴元部下扶之而免。實錄貴久記未知其所終。

足利義冬。小字龜王丸。大將軍義植子也。系圖阿州將裔記母細川成之女。是爲清雲夫人。以永正六年。生於京

師。而夫人有狂疾。義植疏之。更納某氏愛之。義冬從夫人幽居。某氏譖義冬於義植。不相睦。天文三年。義冬遂與夫人如淡路。居志筑浦。細川氏族迎之。館于阿波名東郡平島。稱左馬頭。或作馬頭右初從屬者。士十五人。奴隸三百六十人。而所在食田隘少。不能扶育。多令辭去。其留仕者。唯三江兵庫入道善行。富永據宗。結城重正。乾定直。荒川珍國。湯淺兼綱等。六人而已矣。將裔記以錦御旗爲家寶。食邑僅二百石云。萩原筆二十一年八月。三好義賢弑其主細川持隆。使其族民部入道謂義冬曰。方今持隆雖歿。於卿莫敢有異。

如食邑。一皆由舊。必勿疑恠。然義冬猶危懼。將去之。佗邦。義賢粗察。幽清雲夫人於勝瑞城。二十三年三月。夫人遂卒。明年四月。義冬遣乾定直赴河內。又令湯濛兼綱。託後事於義賢。而陰航渡于周防。大內義隆迎接甚厚。慇懃丁寧。館諸小原。永祿六年夏。三好松永等。謀欲行弑逆。三好政康如周防。言義冬曰。公久在他邦。臣等甚耻焉。故今舉族奉公。以爲謀大議。請應決策而還國。俱舉大事矣。義冬不肯。而携子義榮。送之港口。政康已徙舟而曰。猶有一事可告。願請上舟。義冬父子遽上舟。政康目水夫。急解纜。而還阿

波。居平島如故。八年五月。遂弑大將軍義輝。而邀義冬于平島。時義冬疾病。義榮與三好黨。渡于攝津。入普門寺。義冬以天正元年十月八日卒于平島。歲六十五。法名中山。將裔生三子。義榮。義助。義任。皆大內氏之出也。義榮自有傳。

○阿州將裔記云。義冬有三子。長義親。以天文七年。生于平島。永祿九年卒於撫養。次義助。次義任。○今按諸書所載。義維。義冬。似有所混合。然考年紀事實。亦如爲二人。義視與義榮。亦似濫雜。共未得其證據。姑載所見。以俟後訂正。

義助。天文十年。生。及義榮卒。義助聞計。遽艤船艦。一宮成助。嘗以與松永久秀有謀議。故來抑止。令士卒狙平島館。義助怒。令從者擊逐焉。而中島河口戍兵。復來襲。義助躬自彎弓携兵。迎戰于河原。殺傷相當。會新開入道道善。自富岡城馳而行成。文祿元年七月。義助卒于平島。法名實山。子義種。其子義次。相繼稱族。平島子孫。世賓于阿波。將奇歷世後。復還居京師云。

野史卷六十六終

野史卷六十七

織田公族列傳第一

- 織田信安
- 織田信友
- 津田信光
- 織田信次
- 織田信清
- 織田信廣

飯田忠彥 修  
 男 文彥 訓點  
 竹中邦香 校

織田信行

織田信包

織田信治

織田長益

織田信安。贈太政大臣信長從祖父也。祖父敏定叙

從五位下。伊勢守。皇代紀事、織田系圖、又大和守。累世為斯波

氏宰。居清須城。或作大領尾張下四郡。為本州守護

代。有三子。長敏信。次敏宗。次信定。是為信長之祖父

也。織田系圖、織田家譜、

○按一本織田系圖云。敏定有五男子。曰敏信。曰

達勝。因幡守。曰敏宗。曰信定。曰秀敏。玄蕃頭。

敏信稱大和守。在大山城。鹽尻。或一本織田系圖、別髮入

道。號常己。有三男子。信安其長子也。次宗信。大和守。

次定信。因幡守。信安初字三郎。後伊勢守。繼居犬山

城。後城岩倉。移居領上四郡地。一本系圖、後年棄城

奔美濃。依賴齋藤道三。道三亡而後。信長割界尾張

白銀莊。而閑居其地。當信長創洪業之秋。信安以曩

祖親真所詠。五月雨之和歌短冊。及家系圖。附授信

長。一本系圖、後天正十年。信長齋短冊于本能寺。終屬

烏有云。鹽尻。有四子。伯信賢。或稱伊勢守。又作大父

年三月終亡。一本系圖、鹽尻仲信家。仕城介信忠。天正十年。戰死于信濃。叔正仲爲僧。號剛可。後住安土總見寺。季正盛。字新十郎。族稱津田。仕尾張。子孫或族稱兼松氏。松系圖、一本系圖、兼田軍記、敏宗。字彥三郎。稱左馬助。居奧田城。隸斯波氏。系圖、有一子。曰永政。左馬助。族稱永沼。次日定宗。繼飯尾氏。稱近江守。仕室町幕府。列相伴衆。叙從四位下。任侍從。後守鷺津城。永祿三年五月。今川義元來侵。遣兵圍攻鷺津城。敏宗拒戰。力盡而死之。系圖、織田家子譜、信長記、

信宗。初字茂助。稱隱岐守。又出羽守。仕信長。永祿十年。列母衣衆。後隸信長。又仕秀吉。天正十五年。叙正五位上。十八年。叙從四位下。任侍從。領美濃住蓮寺。及近江八幡長原等地。住八幡山。號八幡山侍從。十年二月卒。歲六十四。系圖、一本系圖、子敏成。字茂助。仕城介信忠。天正十年。禦死于本能寺。系圖、一本系圖、織田軍記、信長記、見性寺過去帳、織田信友。家譜、系圖、或作廣信、今從武德編年集成及諸書、贈太政大臣信長從祖弟也。父因幡守定信。  
○按一本織田系圖。信友因幡守達勝子。或玄蕃



允信平子。未得其正據云。

天文十六年九月。從信秀于美濃。戰死於稻葉山下。

信長定信兄宗信。居清須城。稱大和守。剃髮入道。號

常祐。承敏信後。為斯波氏長臣。輔翼義統。而與定信

俱恣弄國權。天文初年。卒。無子。信友繼其後。為家宰。

居清須城。家譜、系圖、鹽尻、天正字彥五郎。天文十六

年十一月。信友老坂井大膳。其族甚助。河尻左馬允

等。出兵焚古渡町口。信秀聞急赴馳。信友亦率兵赴

接戰數回。迨次年春。行成。信長二十年八月。信長信

光來伐信友。捍之於海津。支戰數刻。甚助等死傷。收

兵而歸。家譜、信長斯波義統有嬖童名古屋高正者。信

友屢寄書挑之。不應。信友忿。高正懼讒。信友於義統

曰。懷異圖矣。義統竊與信長通謀。二十三年六月。起

兵攻清須城。信友士卒善拒。不撓。遂媾和。而後七月

信友急襲義統。弑焉。其子義銀走名護屋。憑信長。信

友奪清須城。掠略近郡。弘治元年二月。信友老坂井

大膳。議求和平。乞邀信光。與信友為兩守護代。四月。

信光入城。直誅大膳兄大炊。助于城中。大膳遽愕走。

信友亦與左右將奔。信長遽起兵。來圍攻急。信友從

者悉斃。獨脫出城。攀民舍屋棟而走。天野佐左衛門

進刺信友而墮地。森可成前馘焉。信長命梟之河岸。  
而徙居清須城云。鹽尻、天正記、名古屋合戰記、武德  
編年集成、信長記、系圖、清須合戰

津田信光。贈太政大臣信長叔父也。系圖、武家譜、族稱津  
田。字孫一本系圖、三郎。天文十一年八月。尾人侵畧

參河郡邑。大樹君乞援于駿河。今川義元遣僧大原。  
將兵三萬赴救。信秀遣信光率騎五千綴之。與駿師  
戰小豆坂而卻之。參兵亂次追躡。信光反兵於要地。  
奮擊格鬪。大破之。大原督師力戰不克而去。信長記、  
逸史、十六年八月。信光率兵備馬屋原。德川二十年八月。

與信長侵伐海津。破信友軍。家譜、弘治元年四月。信光

如清須。殺坂井大炊助。信長亦馳圍城。遂殺信友。得

清須城。以名護屋城。及河東郡地予信光。家譜、國史、  
實錄、鹽尻、

名古屋合戰記、是歲十一月。為家人坂井孫八郎所弑。系圖、  
家譜、

死。子長島役。次信昌。稱伊勢守。為岩倉城主。次佃千

代。亦死于長島。系圖、武家譜、

織田信次。贈太政大臣信長叔父也。字孫十郎。稱右

衛門尉。為森山城主。系圖、武家譜、或族稱佐久間。一本系圖、天

文二十三年六月。謀殺姪秀孝。晦跡。弘治二年六月。

信時遇弑。信長迎信次。再授森山城。一本系圖、或天

正二年四月。守飯插城。為武田勝賴被虜。後得脫歸。

鹽。是歲九月。戰死于長島。系圖、家譜、

織田信清。贈太政大臣。信長從父弟也。父信康。族稱

津田。字與次郎。成犬山城。天文三年九月。戰死于稻

葉山下。系圖、○信長記、兄信時。字喜藏。稱安房守。弟

玄貞。次久意。二人俱犬山落城之日。遁為僧。次興康。

或作玄信。字勘解由左衛門。永祿五年。戰死于美濃輕海。

信長記、家譜、信清。初字十郎左衛門。後稱下野守。為犬

山城主。系圖、實錄、武家娶信長妹。系圖、武家永祿七年。信長

率兵攻犬山城。信清捍戰不利。而密謂方今我幸而

雖免。他日必所害矣。乃陰去城。奔甲斐。依一條信龍

為食客。削髮號犬山鐵齋。系圖、武家譜、實錄、織田軍記、甲斐國志、或稱

津田。一本系圖、有子。曰信盛。左衛門佐。子孫仕尾張。一本系圖、

織田信廣。贈太政大臣。信長庶兄也。系圖、武家譜、初字三

郎五郎。後稱大隅守。一本系圖、武家譜、天文十七年。父信

秀使信廣出守安祥城。逸史、十八年。信秀卒。尋大樹君

亦薨。時東照宮猶幼。在尾張。而參州無主。羣臣胥議

發兵攻安祥。信廣堅拒不撓。參人屢敗而去。逸史、編年集、

發兵攻安祥。信廣堅拒不撓。參人屢敗而去。逸史、編年集、

十一月。駿將曾大原。大舉援參人來攻。信長聞難。適親率兵馳赴救。大原設伏破之。信廣出城援戰。參人與駿師三面夾擊。城兵散走。追北斬獲數百級。信廣逃入壁。敵來逐奪門縱火。牙城僅存。環柵偏之。信長馳驅。途望見烟燄起。意城已不守。乃頓兵于鳴海。大原謀欲紓信廣死。以易東照宮。使人來請之。信長許可而行成。駿人撤安祥圍。與尾人會于笠寺。信廣得歸國。實錄、編年、集、成、逸、史而後信廣竄通美濃國人。謀奪清須城。事漏。與信長屢相挑。不能持。遂媾和而罷。編年、集、成、天正二年九月。攻長島。與弟秀成奮戰而死焉。系圖、家譜、武家

譜、信長記、編年、集成、有一女子。信長養。後嫁之丹羽長重。系圖、家譜織田信行。贈太政大臣信長弟也。系圖、家譜、實錄、武家、初字勘十郎。後改武藏守。居末森城。系圖、家譜、鹽尻作北山城、按弘治二年五月。信行懷自立之志。林通勝。及其弟通具。柴田勝家等。翼成之。取信長厨料。春日井郡篠木莊三十一邑。荒木。米野。大脇三城。皆來屬。編年、集成陰謀廢立。信長暨弟信時。一日如名古屋。探其機。通具謂通勝曰。時難得而易失。請行大事矣。通勝不忍犯之。享待如常。而信長歸清須。明日舉兵而反。信長使佐久間盛重守名塚壘。盛重告急於清須。信長乃將兵戰于

稻生。信長親揮戈先登。鏖殺通具。勝家敗走。含笑太夫人爲請和。且使信行載書。家譜、實錄、信行剔髮謝罪。鹽尻、而後信行將築城龍泉寺而遷居。蓋其意有與同族信安合謀奪東郡。令都築藏人者督之。信行資性澁智驕泰。輕蔑諸士。勝家每屢諫其悖偷不義。由是益疏斥。遂生隙。信長記、三年正月。信行享諸士。而脫勝家。勝家推而就座。信行恚。不交一語。勝家乃入厨踞。執或人手。令校眼上。其熱如焚。其人曰。最理也。勝家宵遂犇清須。具告信行反謀。信長乃稱有疾。使村井盛持謂信行母氏曰。我有疾。今將死。以家督附子矣。

母氏悅。招諭信行。信行亦喜。疾馳如清須。信長豫備。使山口飛彈守。長谷川橋介。河尻青貝等害之。謬期傷之。不能殺。信行走將遁。入母氏寢室。池田信輝捕諸廊下。遂刺殺焉。系圖、家譜、鹽尻、長記、柘植系圖、法名松嶽道悅。屍有三子。曰信澄。曰元信。右衛門尉。曰信兼。新八郎。天正十一年。從信孝自殺。系圖、信澄稱七兵衛。爲惟任光秀女婿。系圖、家譜、逸史、永祿七年。元服於信長前。予尾張河西地三萬石。又居近江大溝城。一本系圖、天正七年十一月。伊丹城陷。信長使信澄戍焉。家譜、十年五月。與信孝軍岸和田。六月。伐一向徒。

於鷲森。而聞信長遇弒。退次大坂。眾益潰亂。光秀招信澄。信澄父信行。嘗爲信長所殪。銜之。於是畔據大坂子城。信孝及丹羽長秀相議。是月五日。襲擊。遂斬信澄。時歲二十五。系圖一本系圖豐臣家譜信澄多力能扛鼎。練通武技。太閤記子昌隆。或作信重主水正。子孫今仕幕府。系圖武家譜

織田信包。贈太政大臣信長弟也。初字三十郎。系圖家譜

織田軍記永祿十一年。信長入中伊勢。攻細野城。分部光嘉。河北光正。細野藤教等竊議。乞降於信長。曰。長野氏者。鎌倉之世。工藤祐經二子祐長。賜安濃

郡。而後雲林院草生。分部家所。細野河北。中尾乙部等。爲其一族。以三引兩爲記號。屬騎五千。子孫相傳。至祐則無繼。迎國司北畠氏二男具藤。藤或作祐爲嗣。具藤惟弱。不堪家務。羣下踈離。與親族不協。願請得信長援助。以存其宗祀。信長許可。而使信包爲其嗣。於是舉族皆降服。具藤去歸多藝。信包繼長野氏。稱上野介。家譜織田軍記北國太平記兵家娶神戶友盛姊。家譜織田軍記令恒川廣澄。冒長野氏。稱右馬允。云茶話

傳。天正八年。信包造天主樓於安濃津城。逸史九年。伊賀國人福地大隅守。遣使于安土。請爲鄉導。伐伊賀。

信長許諾。使信雄信包自伊勢口。筒井順慶自大和口。進藤山城守。山崎源太左衛門。平井加賀守等。自甲賀口而入。國人森田淨隱齋。仁木入道友梅。桃田大隅守。服部三太夫等。拒死或走。無幾一州屬平。割其三郡附信雄。以一郡地五萬石予信包。明智記 十二年三月。信包與羽柴秀吉善。興蒲生氏鄉。瀧川一益合兵。攻嶺城。佐久間正勝反。其隸將山口重政。爲信雄守之。城垂陷。東師且至。遂引兵而還。大志 三川。其夜城兵棄壁歸尾張。援將中川雄忠亦歸犬山。途爲人所殺。大志 三川。叙從四位下。公卿補任歷名 十七年四月。

陞從三位。任左近衛中將。系圖武家譜古押

○按公卿補任。慶長九年。信兼列參議。從四位下。逮十一年不見。而不載從三位中將。今姑依諸書所載記之。猶俟後考。

後閑居京師。武家譜 文祿三年九月。削髮。號老大齋。一本系圖武家譜 慶長十九年七月。續王代一覽 五月十七日。薨。系圖一本家譜武家譜 歲六十七。或續王代一覽 法名心巖。號貞珠院。武家譜 有四子。伯信重。民部少輔。族稱津田。系圖 元和元年。坐事邑除。舊章錄 仲雪貞。爲僧。住安土總見寺。一本系圖 叔信則。初字辰之助。元和元年六月。與信重相獄父。

遺領。信重決非據。賜遺邑美濃田三萬石於信則。駿府

政事錄。元和二年十月。叙從五位下。任侍從。兼刑部大

輔。九年。進從四位下。寬永七年正月。卒。歲三十二。系圖

一本。子信勝繼。稱上野介。叙爵。慶安三年。卒。無嗣。邑

除。舊章錄。殊命令季弟信當承其祀。信當字彌十郎。

子孫相繼。仕幕府。系圖。一本系

織田信治。贈太政大臣信長弟也。字九郎。系圖。家譜。

初居尾張野夫城。後徙江州宇佐山城。與森可成守

焉。元龜元年九月。與越人戰于坂本。為大陽寺景春

被討而死。時歲二十六。家譜。系圖。保善寺墓銘。子正俊。

生時僅二歲。其母懷逃奔參州。憑水野信元。天正十

三年。如岡崎。時十七歲。後仕東照宮。賜食邑。初字三

藏。後更稱平左衛門。族稱柘植。子孫相繼。柘植系圖。

銘。

織田長益。贈太政大臣信長弟也。字稱源五。系圖。武

翰譜。或作源五郎。天正十年二月。率兵赴信濃。援木曾義昌

於桔梗原。三月。守高島及深志城。家譜。六月。信長遇殺。

時長益在三條。聞變遁走。後仕關白秀吉。藩。十三

年七月。秀吉入觀。長益暨兄信包俱扈從焉。豐臣家譜。叙

從四位下。任侍從。系圖。歷名土無幾剃髮。號有樂齋。



賜食邑於攝州島下郡。譜、藩 庚子之役。與子長孝從東征。九月。與戶田重政戰于關原。長孝奮擊獲重政。長益亦力鬪。得胄首。西兵橫山而曰老手亦試鉛刀。 德川是冬。加賜大和田。併食三萬石地。續藩翰譜、十 九年。在大坂。長益以年老且有親戚之姻。衆推為謀主。上下依賴之。當東西行成之日。出子賴長為任子。城中或疑懼。藩翰譜、德川 長益及大野治長到茶臼山行營。拜成畢而退次。大坂記、難 謂傍人曰。和議調熟。萬世自是無事矣。如老禿以之為終身之樂。為手擬點茶云。大坂記、

○按藩翰譜云。長益亦遣人謂本多正純曰。老禿以有親姻故。不能赴拜幕府。和議初成。如有寬命。則幽居京攝之間。以老休矣。

元和元年。分在京料田二萬石。昇子長政尚長。以一萬石為養老料云。藩翰譜、大坂記、 遜居京師。以茗事遨遊。其徒今猶傳以唱焉。史、逸 七年十二月三日。卒于京師東山。歲七十。系圖、武家譜、花押數、一本續王代一 如菴。號正傳院。系圖、武家譜、 有六男子。曰長孝。或長一。小字赤千代。源二郎。叙從五位下。稱河內守。有功於關原。賜美濃大野郡田一萬石。其子長次繼。稱河內守。

寬永八年七月卒。亡繼而絕。系圖、曾次曰賴長。稱左門。或左衛門尉。叙從四位下。任侍從。系圖、武家譜元和元年四月。在大坂。欲爲一隊將。衆議弗許。賴長忿曰。我是信長之姪。而淀君之外弟也。於爲將帥。何不可之有。不聽。則無益也。乃去如京師。削髮。號雲生。寺道入藪阿。抵名護屋。請謁東照宮。具告反狀。落德集、藩翰譜、道號從系圖、武家譜。次曰俊長。初爲僧。稱元藏主。居妙心寺中大雲院。後復俗。一本系圖、武家譜。稱右衛門佐。系圖、武家譜。次曰長政。字莊藏。初近仕東照宮。賜上總田。更賜廩米。慶長十年。叙爵。稱丹後守。割賜父封邑大和攝津田一萬石。藩翰

譜、逸史寬永二年。改左衛門佐。武家補任。萬治二年。致仕入道。號卜齋。子長定。或作義清。繼家。系圖、武家譜。次曰尙長。初武藏守。叙爵。更稱越後大和守等。與兄同殞。父食邑一萬石。俱仕幕府。系圖、藩翰譜、武家譜。傳至曾孫秀親。稱監物。寶永六年二月十六日。當常憲公法會。奉饗。應使於東叡山惠恩院。爲前田利昌所傷而死。一本續王代。弟成純。承其祀。子孫相繼。次曰宥諫。爲僧。居愛宕山大善院。系圖、武家譜

○盍簪錄云。有樂子有三五郎者。慶長之亂。在大坂圍中。城陷之日。亡命到京師。三條。投柳生七兵

南宮

南宮

衛者。七兵懷朱家之義。舍匿有日。既而府遣吏索諸亡命。逐戶搜檢。吏亦入七兵家。七兵本釀酒。窖巨甕于地。因匿三五于甕中。糊其口。吏探索宅中。到甕邊。七兵夫妻促裝。為逃避之計。吏第云。新釀已熟。未復檢視。三五遂得脫。未幾而官禁稍弛。亡命之徒亦或見召庸。三五不幸而殞。今案諸書。唯載存六男子。不見三五郎者。未知伊藤氏有何據載矣耶。姑附以俟考。

野史卷六十七終

南宮

